



**Siunnersuut uunga: Kalaallit Nunaata Aatsitassarsiornermi Aningaasaateqarfia pillugu Inatsisartut Inatsisaata allanngortinneqarnera pillugu Inatsisartut Inatsisaat nr. xx, xx. xxx 2017-imeersoq. (Aningaasaateqarfiup aningaasaataasa aamma aningaasaateqarfiup aningaasaataanit pissarsiat atorineqarnissaat, aningaasaateqarfiup aningaasaataasa taakkuninngalu pissarsiat inissinneqarnissaat aamma aningaasaateqarfiup aqunneqarnera kiisalu allaffissornikkut ingerlatsineq allallu)**

(Aningaasaqarnermut Akileraartarnermullu Naalakkersuisoq)  
(Siullermeerneqarnera)

Kalaallit Nunaata Aatsitassarsiornermi Aningaasaateqarfiata pilersinneqarneranut atatillugu siunertat ilagaat inuiaqatigiinni tungiuinerup siunissami qularnaarnissaa. Aatsitassarsiorneq aningaasarsiutaagallartussaavoq taamaattumik tassanngaanniit isertitat aningaasaateqarfimmut inissinnerisigut qularnaassavarput kinguaariit tulliit aatsitassaatsinnit iluaquserneqarnissaat. Tamanna taaneqarsinnaagunarpog kinguaassatsinnik ersoqateqarnertut.

Aatsitassarsiornermi Aningaasaateqarfiup siunertaraa - aatsitassarsiornermi isertitanik katersinikkut - pisortat piisaapilulersinnaanerannik ingalassimaartitsinissaq, taamaattoqassappat tamatuma kingunerisussaammagu aningaasap nalikillinera unammillersinnaassutsillu innarlerneqarnera. Tamatuma saniatigut eqqarsaataavoq, Aatsitassarsiornermi Aningaasaateqarfiup Namminersorlutik Oqartussanut aningaasaliisarnissaa, Danmarkimiit bloktilskudit ilanngarterneqalerpata.

Tamanna tunngavigalugu pitsaasuvoq Aatsitassarsiornermi Aningaasaateqarfiup iluanaarutai kisimik inuiaqatigiit ingerlanneqarnerannut atorineqartassammata, taamaattumik Demokraatini siunnersuut manna tapersorsorparput innersuullugulu Aningaasaqarnermut Akileraartarnermullu Ataatsimiititaliamut.